

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA
ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-32-1/20

Banja Luka, 09.06.2020. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu pravnog lica N1info iz Banjaluke za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odobrava se redakciji portala N1info iz Banjaluke pristup informaciji o tome da li je Medietik d.o.o. za Fond zdravstvenog osiguranja RS uvezao, 14.05.2020. godine, 50 komada VG70Superior mobile ICU ventilator po cijeni 2 975 000 KM.

Obrazloženje

Pravno lice N1info iz Banjaluke podnijelo je dana 09.06.2020. godine Upravi za indirektno oporezivanje BiH, u skladu sa Zakonom o slobodi pristupa informacijama u BiH, zahtjev za pristup informaciji o tome da li je Medietik d.o.o. za Fond zdravstvenog osiguranja RS uvezao, 14.05.2020. godine, 50 komada VG70Superior mobile ICU ventilator po cijeni 2 975 000 KM.

U postupku obrade zahtjeva utvrđeno je da su predmetne nabavke robe (respiratora) pruzokovane pandemijom širenja zarazne bolesti izazvane virusom Covid-19, a tiče se nabavki robe za javne institucije iz budžetskih sredstava sa raznih nivoa vlasti u Bosni i Hercegovini.

Iz navedenog proizilazi da objavljivanje informacija prema predmetnom zahtjevu za pristup informacijama je opravdano javnim interesom, u skladu sa članom 9. Zakona o slobodi pristupa informacijama.

Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

NAČELNIK ODJELJENJA

Ratko Kovačević

Dostaviti:

1. Redakcija portala N1info,
2. Odjeljenju 01/3 2x
3. a/a

(uz dostavu)

